

Die Katz iss noch im Sagg

Gessdern habb isch in de Kolonnade die Greta, e ehemolisch Nochbern vunn merr, getroffen. Noochdem merr Gude gesaad hadde, hoddse misch gleich gefroochd: Honnes, was issen mett dir unn doine Kummbeern Schorsch unn Kall los?

Isch frooch: Mett mir unn meddem Schorsch unn emm Karl? Du waaßt, Greta, der leescht enn große Wert druff, dass merrn Karl unn nitt Kall nenne dut.

Egal, seet die Greta, Karl odder Kall, was issen mett eich drei los?

Was moonsde donn, Greta?, habb isch gesaad, was sollen mett uns los soi?

Ei gessdern, seet die Greta, bin isch zufällig zu eierne drei Weibslait kumme, die hawwe vor de Kerrsch zesommegestonne unn hawwe sich iwver eich unnerhalle. Du konnst dess ruisch mettheern, seet doi Fraa, mir unnerhalle uns nemlich grad iwver unser Menner, die sinn su komisch in de letzt Zeit.

Ja, hotts Kättche gesaad, die sinn werklisch komisch. Zum Beispill moin Schorsch: Der iss su folhsam, su garnitt wie sunnst, wo der dauernd Widderwort gewwe dut. Naa, saach isch ebbes iwvern, doo hibbder gleich unn mächt dess, was isch emm grad gesaad habb. Unn mir drei hawwe festgestellt, dass nitt nor moin Schorsch, naa, dass aach de Karl unn de Honnes dehoom uff oomol genau su sinn.

Die hawwe sich was ausgemacht, seet die Paula, die Stromer hawwe was vor.

Moiner dut jetz sogar die Dusch trockebutze, wanner mett Dusche ferrdisch iss, su hott doi Fraa gesaad, unn dess iss e Zeische, die wolle widder mol was unnernumme unn doo dun se de erst emol schee Wedder mache dass merr noochher saache: Ei no klar, doo hawwe merr nix degeesche, macht dess nor, dess dut eich bestimmt Spass mache. No ja, seet die Paula, su oofach mach isch dess dem Karl nitt. Weil wenn die Kerle ebbes dorschgesetzd hawwe, dauerts nitt long unn de alde Schlendrian fängt widder oo: Alles mussde dreimol saache unn donn knornse noch. Also wenn isch dem Karl was genehmische due, donn musser verspreche, dass aach späder noch folhsam iss.

Doodenooch?, habb isch gefroochd, was moonderr dann, was die drei vorhawwe?

Doi Fraa hott gesaad: Wie isch die kenn, wolle die widder emol e schwarz Partie mache unn nooch Rüddessem fahrn unn dort in de Drosselgass Juchee mache.

Moonsde?, hotts Kättche gefroochd.

Die Paula druff: Ja, su ebbes hawwe die vor, unn die denke werklisch, wenn die jetz e Zeitlong brav sinn, deede merr dess genehmische.

Doo hott doi Fraa gesaad: Mir wadde ab was doodebei erauskimmd, unn wenn merrs wisse, dun mir drei uns zesomesetze unn driwwer schwätze, was merr mache.

Unns Kättche hott gemoont: Su mache merr dess, wadde merrs ab, irschendwonn misse die joo die Katz außem Sagg losse.

Awwer was isch ewe verzählt habb, dess habbderr joo sicher alles schunn gewissd, odder?, frächt misch die Greta.

Isch saach: Greta, dess alles hawwe merr schunn gewissd, also machs gut, habb awwer bei merr gedenkt, ess iss gut, dasses su Traatsche wie die Greta gewwe dut, weil mir wisse jetz was unser Mädcher iwver uns denke. Die werrn sich awwer wunnern, wenn merr in de nächsde zwaa Woche – wie hotts Kättche gesaad? – die Katz außem Sagg losse.

Eiern Honnes